

Nimewo 27

D E K R È E G Z E K I T I F

**DEKLARE ETA IJANS NAN KONTE ALBANY, BROOME, CAYUGA, CHENANGO, COLUMBIA,
CORTLAND, DELAWARE, DUTCHESS, ESSEX, FULTON, GREENE, HAMILTON, HERKIMER,
LEWIS, MADISON, MONTGOMERY, ONEIDA, ONONDAGA, ONTARIO, ORANGE, OSWEGO,
OTSEGO, PUTNAM, RENSSELAER, SARATOGA, SCHENECTADY, SCHOHARIE, SCHUYLER,
SENECA, SULLIVAN, TIoga, TOMPKINS, ULSTER, WARREN, WASHINGTON, WAYNE,
YATES, AK KONTE VWAZEN YO**

KONSIDERE KE, nan dat 13 mas 2023 ak apre sa, yon nòdès prevwa kreye kondisyon danjere ki poze yon danje iminan pou transpò piblik, sèvis piblik, sante piblik, ak sistèm sekirite piblik la nan konte Albany, Broome, Cayuga, Chenango, Columbia, Cortland, Delaware, Dutchess, Essex, Fulton, Greene, Hamilton, Herkimer, Lewis, Madison, Montgomery, Oneida, Onondaga, Ontario, Orange, Oswego, Otsego, Putnam, Rensselaer, Saratoga, Schenectady, Schoharie, Schuyler, Seneca, Sullivan, Tioga, Tompkins, Ulster, Warren, Washington, Wayne, Yates, ak konte vwazen yo;

KONSIDERE KE, tanpèt la prevwa pwodui jiska twa pye gwo nèj imid, gwo van k ap soufe jiska 72 km alè, ak inondasyon kotyè ak bò lak ki mennen nan fèmti wout, entèripsyon nan vwayaj yo, blakawout toupatou, ak dega nan pwopriyete piblik ak prive, ki poze yon menas pou sante ak sekirite piblik;

KOUNYE A, KIDONK, MWEN, KATHY HOCHUL, Gouvènè Eta New York, avèk otorite Konstitisyon Eta New York ak Seksyon 28 nan Atik 2-B nan Lwa Egzekitif la (Executive Law) ban mwen, konstate avèk dokiman sa a gen yon katastwòf pandye kote gouvenman lokal ki touche yo pa kapab entèveni kòmsadwa. Kidonk, Mwen, avèk dokiman sa a, ap deklare yon Eta Ijans, ki ap rantre an vigè a 13 mas 2023 a 8:00 PM pou konte Albany, Broome, Cayuga, Chenango, Columbia, Cortland, Delaware, Dutchess, Essex, Fulton, Greene, Hamilton, Herkimer, Lewis, Madison, Montgomery, Oneida, Onondaga, Ontario, Orange, Oswego, Otsego, Putnam, Rensselaer, Saratoga, Schenectady, Schoharie, Schuyler, Seneca, Sullivan, Tioga, Tompkins, Ulster, Warren, Washington, Wayne, Yates, ak konte vwazen yo. Dekrè Egzekitif sa a ap rete an vigè jiska dat 12 avril 2023; epi

ANPLIS DE SA, konfòmeman ak Seksyon 29 nan Atik 2-B Lwa Egzekitif la, mwen mande egzekisyon Plan Global Eta a pou Jesyon Ijans (State Comprehensive Emergency Management Plan) ak otorize, anvigè apati 13 mas 2023 a 8:00 PM, ajans yo nan Eta a jan sa nesesè, ak Kwa Wouj Amerikèn, pou yo pran mezi apwopriye pou pwoteje pwopriyete Eta a epi pou ede gouvenman lokal ak moun ki touche yo nan entèvni kont katastwòf sa a epi nan refè anba li, epi pou ofri lòt èd ki nesesè pou pwoteje sante ak sekirite piblik;

ANSWIT, deklarasyon sa a satisfè kondisyon 49 nan Kòd Règleman Federal yo (Code of Federal Regulations, C.F.R) 390.23(a)(1)(A), ki ofri sekou nan Pati 390 jiska 399 Règleman Federal pou Sekirite nan Konpayi Transpò (Federal Motor Carrier Safety Regulations, FMCSR). Sekou sa yo nan FMCSR nesesè pou kapab garanti ekip yo kapab debleye wout ki pi enpòtan yo epi akselere mouvman ekip k ap remete sèvis kouran yo nan Eta New York;

ANPLIS DE SA, avèk otorite mwen genyen dapre Seksyon 29-a Atik 2-B Lwa Egzekitif la pou sispann oswa chanje pwovizwaman nenpòt lwa jeneral, lwa lokal, òdonans, dekrè, règ oswa règleman, oswa

pati ladan yo, si respè lwa jeneral, lwa lokal, òdonans, dekrè, règ oswa règleman sa yo ta anpeche, jennen oswa retade mezi ki nesesè pou fè fas a katastwòf la, oswa si sa nesesè pou bay asistans oswa èd pou fè fas a katastwòf sa a, avèk dokiman sa a, mwen sispann oswa chanje pwovizwaman, pou peryòd ant dat Dekrè Egzekitif sa a antre an vigè a jis nan dat 12 avril 2023, sa ki annapre yo:

- Seksyon 97-G nan Lwa sou Finans Eta a (State Finance Law), nan mezi sa nesesè pou achte manje, materyèl, sèvis, ak ekipman oswa founi oswa bay diferan sèvis santralize pou ede gouvènman lokal, moun, ansannm avèk lòt antite ki pa fè pati Eta a ki viktimo yo nan kad efò pou reyaji a ijans poutèt katastwòf la epi refè anba li;
- Seksyon 112 nan Lwa sou Finans Eta a, nan mezi li annakò avèk Atik V, Seksyon I nan Konstitisyon Eta a, epi nan mezi sa nesesè pou ajoute plis travay, chantye ak tan nan kontra Eta a;
- Seksyon 163 nan lwa sou Finans Eta a ak Atik 4-C nan Lwa sou Developman Ekonomik (Economic Development Law) la, nan mezi sa nesesè pou achte pwodui, sèvis, teknoloji, ak materyèl ki nesesè yo, san yo pa swiv avi ak pwosesis acha nòmal yo;
- Seksyon 136-a nan Lwa sou Finans Eta a, nan limit ki nesesè pou melanje sèvis konsepsyon ak konstriksyon yo nan yon sèl kontra ak/oswa pou yo jwenn sèvis enspeksyon pou entèvni kont katastwòf ijans ak nan refè anba li.
- Seksyon 38(1), (2) ak (3) nan Lwa sou Otowout la (Highway Law) nan mezi nesesè pou otorize atribisyon kontra ijans;
- Seksyon 375, 385 ak 401 Lwa sou Veyikil ak Sikilasyon (Vehicle and Traffic Law) an, nan mezi egzansyon nan egzijans anrejistreman veyikil, ekipman ak dimansyon, pou veyikil ki gen anrejistreman valid nan lòt jiridiksyon, nesesè pou ede nan efò preparasyon ak entèvansyon pou ijans lan;
- Seksyon 359-a ak Seksyon 2879 nan Lwa sou Otorite Piblik (Public Authorities Law) nan limit pou pèmèt Otorite Thruway Eta New York an pou achte machandiz ki nesesè ak sèvis yo san yo pa swiv pwosesis acha nòmal la; epi
- Seksyon 24 nan Lwa Egzekitif; Seksyon 104 ak 346 nan Lwa sou Otowout; Seksyon 1602, 1630, 1640, 1650, ak 1660 nan Lwa sou Trafik ak Veyikil (Vehicle and Traffic Law); Seksyon 14(16) nan Lwa sou Transpòtasyon (Transportation Law); Seksyon 6-602 ak 17-1706 nan Lwa sou Vilaj (Village Law); Seksyon 20(32) nan Lwa Jeneral sou Vil la (General City Law); Seksyon 91 nan Lwa sou Dezyèm Klas Vil yo (Second Class Cities Law); ak Seksyon 107.1 nan Tit 21 nan Kòd New York, Règ ak Règleman (New York Codes, Rules and Regulations, NYCRR) nan limit ki nesesè pou bay Gouvènè a otorite pou règlemantrafik ak mouvman veyikil sou wout yo, otowout, ak ri yo.

F È T anba siyati mwen ak So Prive Eta a nan Vil Albany
nan trèzyèm jou mwa mas sa a nan ane de
mil venntwa.

SOU LÒD GOUVÈNÈ A

Sekretè Gouvènè a